

"Ұлттық индустриялық мұнай-химия технопаркі" арнайы экономикалық аймағын құру туралы" Қазақстан Республикасы Президентінің 2007 жылғы 19 желтоқсандағы № 495 Жарлығына өзгерістер мен толықтыру енгізу туралы" Қазақстан Республикасының Президенті Жарлығының жобасы туралы

Қазақстан Республикасы Үкіметінің 2012 жылғы 22 қыркүйектегі № 1231 Қаулысы
Қазақстан Республикасының Үкіметі **ҚАУЛЫ ЕТЕДІ:**

"Ұлттық индустриялық мұнай-химия технопаркі" арнайы экономикалық аймағын құру туралы" Қазақстан Республикасы Президентінің 2007 жылғы 19 желтоқсандағы № 495 Жарлығына өзгерістер мен толықтыру енгізу туралы" Қазақстан Республикасының Президенті Жарлығының жобасы Қазақстан Республикасының Президентінің қарауына енгізілсін.

Премьер-Министрі

*Қ а з а қ с т а н Р е с п у б л и к а с ы н ы ң
К. Мәсімов*

Қазақстан Республикасының Президентінің Жарлығы "Ұлттық индустриялық мұнай-химия технопаркі" арнайы экономикалық аймағын құру туралы" Қазақстан Республикасы Президентінің 2007 жылғы 19 желтоқсандағы № 495 Жарлығына өзгерістер мен толықтыру енгізу туралы

«Қазақстан Республикасындағы арнайы экономикалық аймақтар туралы» 2011 жылғы 21 шілдедегі Қазақстан Республикасының Заңына сәйкес **ҚАУЛЫ ЕТЕМІН:**

1. «Ұлттық индустриялық мұнай-химия технопаркі» арнайы экономикалық аймағын құру туралы» Қазақстан Республикасы Президентінің 2007 жылғы 19 желтоқсандағы № 495 Жарлығына (Қазақстан Республикасының ПҰАЖ-ы, 2007 ж., № 47, 560-құжат, 2009 ж., № 40, 388-құжат) мынадай өзгерістер мен толықтыру енгізілсін:

1) 2-тармақ мынадай редакцияда жазылсын:
«2. Қоса беріліп отырған:
1) АЭА туралы ереже;

2) АЭА жұмыс істеуінің нысаналы индикаторлары және нысаналы индикаторларға қол жеткізбеудің сыни деңгейі бекітілсін.»;

2) АЭА туралы ереже осы Жарлыққа 1-қосымшаға сәйкес жаңа редакцияда ж а з ы л с ы н ;

3) осы Жарлыққа 2-қосымшаға сәйкес АЭА жұмыс істеуінің нысаналы индикаторлары және нысаналы индикаторларға қол жеткізбеудің сыни деңгейімен

т о л ы қ т ы р ы л с ы н .

2. Осы Жарлық қол қойылған күнінен бастап қолданысқа енгізіледі.

Қ а з а қ с т а н Р е с п у б л и к а с ы н ы ң

Президенті

Н.Назарбаев

Қ а з а қ с т а н

Р е с п у б л и к а с ы н ы ң

П р е з и д е н т і н і ң

2 0 1 2 ж ы л ғ ы « »

№ Ж а р л ы ғ ы н а

1-қосымша

Қ а з а қ с т а н Р е с п у б л и к а с ы

П р е з и д е н т і н і ң

2007 ж ы л ғ ы 19 желтоқсандағы

№ 495 Ж а р л ы ғ ы м е н

БЕКІТІЛГЕН

"Ұлттық индустриялық мұнай-химия технопаркі" арнайы экономикалық аймағы туралы ереже 1. Жалпы ережелер

1. «Ұлттық индустриялық мұнай-химия технопаркі» арнайы экономикалық аймағы (бұдан әрі - АЭА) қоса беріліп отырған жоспарға сәйкес Атырау облысының аумағында орналасқан.

АЭА-ның аумағы 3475,9 гектарды құрайды және Қазақстан Республикасы аумағының ажырамас бөлігі болып табылады.
2. А Э А :

1) қосылған құны жоғары көмірсутек шикізатын тереңдете өңдеу және кеңінен бәсекеге қабілетті мұнай-химия өнімін шығару жөніндегі әлемдік деңгейдегі мұнай-химия өндірістерін құру мен дамыту жөнінде серпінді инвестициялық жобаларды әзірлеу және іске асыру;

2) мемлекеттік-жеке меншік серіктестік тетіктерінің негізінде мұнай-химия өндірістерін салуға және оларды кешенді дамытуға инвестициялар тарту;

3) өзара байланысты, тиімділігі жоғары әрі инновациялық жаңа мұнай-химия өндірістерін салу;

4) қазақстандық мұнай-химия өнімінің өндіру мен өткізудің жалпы әлемдік жүйесіне кірігуін жүзеге асыру, халықаралық стандарттарға (ИСО) сәйкес инновациялық, бәсекеге қабілетті отандық мұнай-химия өнімін жасау;

5) мұнай-химия өндірістерін және көмірсутек шикізатын тазалау, тереңдете өңдеу жөніндегі технологияларды құру мен жетілдіру бойынша ғылыми-зерттеу және ғылыми-техникалық инновациялық жобалар әзірлеу және іске асыру;

6) халықаралық стандарттарға сәйкес мұнай-химия өндірістері үшін мамандар

даярлау және қайта даярлау мақсатында құрылады.

3. АЭА-ның қызметі Қазақстан Республикасының Конституциясымен, «Қазақстан Республикасындағы арнайы экономикалық аймақтар туралы» Қазақстан Республикасының 2011 жылғы 21 шілдедегі Заңымен, осы Ережемен және Қазақстан Республикасының өзге де нормативтік құқықтық актілерімен реттеледі.

4. АЭА аумағындағы қызметтің басым түрлері:

1) жобалау-сметалық құжаттамаға сәйкес инфрақұрылым объектілерін, мұнай-химия, химия және сабақтас өндірістерді салу және оны пайдалануға беру;

2) химия өнеркәсібі өнімдерін өндіру;

3) мұнай-химия өнімдерін, сондай-ақ ілеспе, сабақтас өндірістер мен технологиялар өнімдерін өндіру болып табылады.

2. АЭА-ны басқару

5. АЭА-ны басқару «Қазақстан Республикасындағы арнайы экономикалық аймақтар туралы» Қазақстан Республикасының 2011 жылғы 21 шілдедегі Заңына сәйкес жүзеге асырылады.

3. АЭА-ның аумағында салық салу

6. АЭА-ның аумағында салық салу Қазақстан Республикасының салық заңнамасымен реттеледі.

4. Кедендік реттеу

7. АЭА аумағындағы кедендік реттеу Кеден одағы мен Қазақстан Республикасының кеден заңнамасының ережелеріне сәйкес жүзеге асырылады.

8. Еркін кедендік аймақтың кедендік рәсімі АЭА-ның аумағында немесе оның аумағының бір бөлігінде қолданылуы мүмкін.

9. Еркін кедендік аймақтың кедендік рәсімімен АЭА-ға қатысушы ретінде қызметті жүзеге асыру туралы шартқа сәйкес АЭА аумағында қызметтің басым түрлерін жүзеге асыратын тұлғалар АЭА аумағына орналастыруға және (немесе) пайдалануға арналған тауарларды орналастырады.

10. Еркін кедендік аймақтың кедендік рәсімі қолданылатын АЭА аумағы кедендік бақылау аймағы болып табылады. Кедендік бақылау жүргізу мақсатында АЭА шекаралары оның периметрі бойынша жайластырылады арнайы қоршаулармен жабдықталады.

11. АЭА аумағында Кеден одағы мен Қазақстан Республикасының кеден заңнамасында айқындалған тәртіппен тауарларды уақытша сақтау орындары құрылуы мүмкін.

12. АЭА аумағында еркін кедендік аймақтың кедендік рәсімімен орналастырылған тауарлар, сондай-ақ еркін кедендік аймақтың кедендік рәсімімен орналастырылмаған Кеден одағының тауарлары және өзге де кедендік рәсімдермен орналастырылған шетелдік тауарлар орналастырылуы және пайдаланылуы мүмкін.

13. АЭА аумағына әкелінген және еркін кедендік аймақтың кедендік рәсімімен орналастырылған тауарлар кедендік баждарды, салықтарды, сондай-ақ тарифтік емес реттеу шараларын қолдану мақсаттары үшін Кеден одағының кедендік аумағынан тыс жерде орналасқан тауарлар ретінде қаралады.

14. Тауарларды уақытша сақтауға, кедендік декларациялауға, кедендік ұзартуға және шығаруға, сондай-ақ АЭА аумағында кедендік бақылау жүргізуге байланысты кедендік операциялар Кеден одағымен Қазақстан Республикасының кеден заңнамасында белгіленген тәртіппен жүзеге асырылады.

5. Қоршаған ортаны қорғау

15. Экологиялық реттеу бөлігіндегі АЭА қызметі Қазақстан Республикасының экологиялық заңнамасына сәйкес жүзеге асырылады және өмір сүру сапасын арттырудың экономикалық, әлеуметтік және экологиялық аспектілерінің теңгерімі негізінде тұрақты дамуға және қоршаған ортаны қорғауға көшу үшін жағдай жасау арқылы табиғи ресурстарды ұтымды және тиімді пайдалануға негізделеді.

6. Қорытынды ережелері

16. Осы Ережеде белгіленген шарттар Қазақстан Республикасы Президентінің Жарлығымен өзгертілуі мүмкін.

17. АЭА-ны мерзімінен бұрын тарату «Қазақстан Республикасындағы арнайы экономикалық аймақтар туралы» Қазақстан Республикасының 2011 жылғы 21 шілдедегі Заңына сәйкес жүзеге асырылады.

18. АЭА-ның осы Ережемен реттелмеген қызметі Қазақстан Республикасы мен Кеден одағының қолданыстағы заңнамасына сәйкес жүзеге асырылады.

Қ а з а қ с т а н Р е с п у б л и к а с ы

Президентінің 2007 жылғы

19 желтоқсандағы № 495


Жарлығымен бекітілген

«Ұлттық индустриялық мұнай-химия технопаркі» арнайы экономикалық

аймағы туралы ережеге

ҚОСЫМША

«Ұлттық индустриялық мұнай-химия технопаркі» арнайы экономикалық аймағы аумағының жоспары



Қазақстан Республикасы
Президентінің
2012 жылғы « »
№ Ж ар л ы ғ ы н а

2-ҚОСЫМША

Қазақстан Республикасы
Президентінің
2007 жылғы 19 желтоқсандағы
№ 495 Ж ар л ы ғ ы м е н
БЕКІТІЛГЕН

«Ұлттық индустриялық мұнай-химия технопаркі» арнайы экономикалық аймағы жұмыс істеуінің нысаналы индикаторлары және нысаналы индикаторларға қол жеткізбеудің сыни деңгейі

р/с №	Мақсаттары, міндеттері және көрсеткіштері (атауы)	Өлшем бірлігі	Базалық кезең (2012 жыл)	2017 жылы қол жеткізу		2022 жылы қол жеткізу		2027 жылы қол жеткізу		2027 жылы қол жеткізу	
				нысаналы индикатор	сыни деңгейі	нысаналы индикатор	сыни деңгейі	нысаналы индикатор	сыни деңгейі	нысаналы индикатор	сыни деңгейі
1	2	3	4	5	6	7	8	9	10	11	12
1	Жалпы инвестиция көлемі, соның ішінде:	млрд. теңге	-	945	472	950	475	955	478	960	481
1)	шетелдік инвестиция көлемі	млрд. теңге	-	96,75	48	97,75	49	98,75	50	99,75	51

2)	отандық инвестиция көлемі	млрд. теңге	-	848,25	424	852,25	426	856,25	428	860,25	430
2	А Э А аумағында тауарларды және қызметтерді (жұмыстарды) өндіру көлемі	млрд. теңге	-	297,12	148,56	1 369,13	684,57	1 784,12	892,06	1 878,52	939,26
3	Қатысушылар саны	Компаниялар	-	8	6	13	9	18	11	23	14
4	Қызметтің қосалқы түрін жүзеге асыратын тұлғалардың саны	адам	-	15	7	30	15	45	20	60	30
5	А Э А аумағында құрылатын жұмыс орындарының саны	адам	-	440	220	490	245	540	270	590	295
6	А Э А аумағындағы өндірістің жалпы көлеміндегі қазақстандық қамту үлесі	%	-	30	15	40	20	50	25	60	30

1 - МХК аймағы

1.1 - МХК зауытының алаңы - 463,7 га

1.2 - МХК теміржол станциясы - 95,93 га

1.3 - МХК вахталық кенті - 4,01 га

1.4 - МХК булану су қоймасы - 375,02 га

2 - ҚМГ ҰК АҚ Ароматика - 336,25 га

3 - МХК-ның газ сепаратор қондырғысы - 100 га

4 - АМУЗ мен қазіргі полипропилен зауытының арасындағы өнеркәсіптік аймақ - 285 га

«Ұлттық индустриялық мұнай-химия технопаркі» АЭА мұнай-химия кешенінің инфрақұрылымдық объектілері орналасқан аумағы - 1816 га

5 - құрғақ газ құбыры - 163,79 га

6 - шикі газ құбыры - 1435,74 га

7 - отындық газ құбыры - 28,32 га

8 - кіреберіс автожолы - 17,8 га

9-2	-	электр беру желісі	-	9,49	га
10	-	темір жол	-	27,69	га
11	-	су құбыры	-	89,67	га

12 - электр беру желісі - 43,36 га

Жалпы көлемі 3475,9 га құрайды.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМҚ